

ԱՐԱՄ ՏԵՐ-ՂԵՎՈՆԻՑՈՆ

Անժամանակ մահը մեր շարքերից խլեց մեծավաստակ հայագետ-արևելագետ, պատմական գիտությունների դոկտոր, պրոֆեսոր Արամ Տեր-Ղևոնցյանին:

Հանգուցյալը մեկն էր այն գիտնականներից, որն իր ամբողջ գիտակցական կյանքը անարևոտ չեղավ իր հայրենի գիտության զարգացման ու առաջընթացին:



Դպրոցական ուսումնառության ավարտը Կահիրեում զուգահեռաբար այն բուռն ոգևորության տարիներին, երբ երկրորդ աշխարհամարտի ավարտից հետո ծայր էր առել ի սփյուռու աշխարհի ցրված հայ համայնքների զանգվածային հայրենադարձությունը: Եվ ահա Մայր Հայրենիքի կանչին ականդետ, ուսման ծարավի իշխանավառ պատանին, իր գերդաստանի հետ. բաղձահաղար ալլ եգիպտահայերի ուղեկցությամբ, ոտք դրեց հայրենի հողին և անմիջապես ընդունվեց Երևանի պետական համալսարանի բանասիրական ֆակուլտետի արևելյան բաժինը: Փայլուն տիրապետելով արաբերենին, նա

այստեղ հետևում է իրանական լեզուի դասընթացներին, ձեռք բերելով ևս մեկ արևելյան լեզվի իմացություն: Ուսման ընթացքում ռախտեռշ ևղավ նրա ճանոթությունը մեծանուն հայագետ, ակադեմիկոս Հրաչյա Աճառյանի հետ. մեծ գիտնականը անմիջապես նկատեց նրան՝ ուղղություն տալով, խրախուսելով և սատարելով նրա գիտական մղումներին:

Համալսարանի նորոգ շրջանավարտ Ա. Տեր-Ղևոնցյանը ամենահամապատասխան թեկնածուն ևղավ 1955 թ. արաբական աղբյուրների գծով ԳԱ պատմության ինստիտուտի հայտարարած ասպիրանտական տեղի համար: Ասպիրանտական ուսումնառության տարիներն անցան Լենինգրադի արևելագիտության ինստիտուտում: «Դարձյալ ինձ բախտը ժպտաց, իմ գիտական ղեկավարը ակադեմիկոս Հովսեփ Օրբելին էր», — հաճախ շեշտում էր նա: Եվ իրոք, այդ հմուտ ղեկավարության և ջանասեր աշխատանքի շնորհիվ հասունացավ և հայագիտության անդաստանը ոտք դրեց Լենինգրադյան արևելագիտական դպրոցի արժանավոր սաներից մեկը, որի պաշտպանության ներկայացրած լեկնածուական դիմերտացիոն աշխատությունը՝ «Արաբական ամիրաթությունները Ռազատունյաց Հայաստանում», բարձր գնահատականի արժանացավ գիտական շրջանակներում և ճանաչված բյուզանդագետ Ն. Գարսոյանի կողմից թարգմանվեց անգլերեն:

1958—1981 թթ. բեղուն գործունեությունը ՀՍՍՀ ԳԱ պատմության ինստիտուտում ծավալվեց աղբյուրագիտության քննադատական, պատմագրական և պատմաբանասիրական ուղղություններով: Ազաթանգեղոսի Պատմության արաբական խմբագրության լիակատար բնագրի հայտնաբերումն ու նրա մինչ այդ անհայտ հատվածի ուսումնասիրությունն ու գիտական հրատարակությունը (1963 թ.) Ա. Տեր-Ղևոնցյանին տարավ ղեկավարել կարևոր սկզբնաղբյուրի առավել բազմակողմանի հետազոտմանը, որի արդյունավետ հետևանքներն ևղան նախ «Պատմության և ապա, հարաբար բնագրին զուգահեռ ամբողջական աշխարհաբար թարգմանություններ—

րի հրատարակությունները (1977, 1983): Ավելի ուշ նա կատարեց նաև իր պատմագիտական հետազոտությունների հետ սերտորեն առնչվող, VIII դարի պատմիչ Ղևոնդի Պատմության ուշխարհարար թարգմանությունը (1987 թ.):

Սակայն Ա. Տեր-Ղևոնդյանի հիմնական հետազոտությունների բնագավառը VII—XII դդ. Հայաստանի քաղաքական և սոցիալ-տնտեսական պատմության հարցերն են եղել: Այդ շրջանի հայկական, առավել ևս արաբական սկզբնաղբյուրների համակողմանի համեմատական ուսումնասիրությունները հիմք հանդիսացան ոչ միայն արժեքավոր հրապարակումների, ինչպիսին էր XII—XIII դդ. արաբ պատմիչ Իբն-ալ-Ասիրի Հայաստանում արաբական նվաճումների ու տիրապետության, Բագրատունյաց և Կիլիկիայի հայկական թագավորությանը վերաբերող ընդարձակ հատվածների հայերեն թարգմանությունն ու ուսումնասիրությամբ և հարուստ ծանոթագրություններով օժտված հրատարակությունը, այլ նաև ծնունդ տվին բազմաթիվ այլ մեծ ու փոքր ուսումնասիրությունների, աղբյուրագիտական և բանասիրական ուղադրամ նորույթներ պարունակող հոդվածների ու գիտական հաղորդումների: Լայն ու բազմաբովանդակ է եղել Ա. Տեր-Ղևոնդյանի գիտական հետաքրքրությունների շրջանակը: Քաջ տիրապետելով արևելյան ու եվրոպական մի քանի լեզուներին, նա կարճ ժամանակում ոչ միայն կարողացավ հայ աղբյուրների հետ համադրությամբ խորազնին ուսումնասիրության ենթարկել արաբական աղբյուրների հարուստ տվյալները, այլև քննադատաբար յուրացնել արևմտյան արևելագիտական և հայագիտական գրականությունը: Այդ նպատակասլաց հետազոտությունների արգասիքը եղան մեր պատմության մի քանի հանգուցային հարցերի լուսարանմանը նվիրված հայերեն, ռուսերեն, ինչպես նաև ֆրանսերեն հոդվածները:

Արաբական խալիֆայության և Բագրատունյաց Հայաստանի ժամանակաշրջանի պատմասուշխարհագրական, վարչական և սոցիալ-տնտեսական խնդիրների վերաբերյալ մի քանի տասնյակ ուսումնասիրությունների հրապարակումը որոշակի ճանաչում բերեց Ա. Տեր-Ղևոնդյանին որպես պատմական այդ ժամանակահատվածի հիմնուտ աղբյուրագետի ու պատմաբանի: Այն միաժամանակ հիմք հանդիսացավ «Հայաստանի և Արաբական խալիֆայությունը» ռուսերեն ծավալուն մի մենագրության, որը լույս տեսավ 1977 թ., նրա հեղինակին շնորհելով պատմական գիտությունների դոկտորի գիտական աստիճան:

Իր գլխավոր գիտահետազոտական պրպրտումներին զուգահեռ Ա. Տեր-Ղևոնդյանը կատարել է նաև հայ և արաբ մատենագրական, ընտիրագրական և վիճակագրական նյութի բազմա-

թիվ ուղադրամ ուսումնասիրություններ և հրապարակումներ: Մի շարք հոդվածներ նվիրված են հայ և քրիստոնյա արաբական մատենագրական առնչություններին, արաբական մատենագրության մեջ հայ ժողովրդի ծագման, սովորույթների, առասպելների ու լեզունդներին արձագանքների հրապարակմանն ու գիտական քննությանը: Նա քաջատեղյակ էր հայրենի և արտասահմանյան հայագիտության և արևելագիտության ընթացքին: Միշտ հետևելով հրատարակական նորույթներին ու գիտական մամուլին, նա հաճախ հանդես էր գալիս արժեքավոր գրախոսություններով և քննադատական հոդվածներով:

Ա. Տեր-Ղևոնդյանը իր նշանակալից ավանդըն ունի Հայ ժողովրդի պատմության քաղաքատրյակի ստեղծման գործում: Նրա գրչին են պատկանում II և III հատորների այն բաժինները, գլուխներն ու ենթագլուխները, որոնք վերաբերում են VII—IX դդ. քաղաքական և սոցիալ-տնտեսական պատմությանը, մինչև XII դարը ներառյալ պատմական Հայաստանի տարածքում արաբական և այլ մահմադական իշխանությունների համակարգին, արաբական երկրներում հայկական գաղթախոսներին ու հայարաբական քաղաքական, տնտեսական ու մշտկույթին կապերին: Նույնպիսի նվիրվածությամբ նա շարունակում էր մասնակցել նաև մեր պատմության ռուսերեն չորսհատորյակի շարադրմանն ու խմբագրական աշխատանքներին: Նշանակալից է նաև նրա մասնակցությունը Հայկական սովետական հանրագիտարանում: Մեծ ճետաբերքությամբ էին լսվում նրա զեկուցումներն ու գիտական հաղորդումները ինչպես մեր հանրագիտության, այնպես նաև միովնական ու միջազգային գիտական կոնֆերանսներում ու գիտաժողովներում: Նրա յուրաքանչյուր հաղորդում Մոսկվայում պարբերաբար կայացող Բարտոլոմայան ընթերցումներում պարունակում էր գիտական ինքնատիպ մի նորույթ և լսվում էր մեծ ուշադրությամբ:

1981 թ. ի վեր Ա. Տեր-Ղևոնդյանը գլխավորում էր ԳԱ արևելագիտության ինստիտուտի աղբյուրագիտական և բնագրագիտական բաժինը, որտեղ կենտրոնացված էին արևելյան երեք լեզուներով՝ արաբերեն, պարսկերեն և թուրքերեն, ինչպես նաև հայերեն պատմագրական, մատենագրական, միմագրական հուշարձանների ուսումնասիրության, հրապարակման և թարգմանչական աշխատանքները: Մեծ հոգատարություն ու մտահոգությունը հայ արևելագիտության ավանդները շարունակելու և ձեռնհաս մասնագիտներ պատրաստելու ուղղությամբ, Ա. Տեր-Ղևոնդյանին մզում էին դեպի հետևողական, անձանձիր աշխատանքի, որը և արդեն սկսել էր տալ առաջին պտուղները: Այդ մասին են վկայում բաժնի

աշխատակիցների ու ասպիրանտների պաշտպանության ներկայացրած դիմորդագրի աշխատություններն ու գիտական հրատարակությունները:

Արդյունավետ ու բեղմնավոր էր նաև Ա. Տեր-Ղևոնդյանի ուսումնամանկավարժական գործունեությունը Երևանի պետական համալսարանի արևելյան ֆակուլտետում, որտեղ նա դասախոսում էր «Արարական ևրկրների հին և միջին դարերի պատմություն», «Արարական բանասիրության ներածություն» առարկաները և մասնագիտական այլ հատուկ կուրսեր, ղեկավարում և գրախոսում էր շրջանավարտների ավարտաճառները, օգնում, խրախուսում և ուղղություն էր տալիս գիտական աշխատանքի հակամեներ դիրքներում ուսանողներին:

Բարձր գնահատելով նրա ավանդը արարագիտության բնագավառում, Հալեպի համալսարանի ղեկավարությունը նրան ընտրել էր գիտության պատմության ինստիտուտի պատվավոր

անդամ, իսկ 1996 թ. նա ընտրվեց նաև Հոռմի Տիրերի նկատմամբ պատվավոր անդամ:

Ա. Տեր-Ղևոնդյանը միաժամանակ ինտելեկտուալ բարձր արժանիքներով օժտված շիտակ ու ազնիվ անձնավորություն էր, մեծ հայրենասեր ու րադաքացի, մինչև վերջը նվիրված իր ժողովրդին: Թիկունքում ունենալով ավելի բան 30-ամյա գիտական աշխատանքի համընդհանուր ճանաչում գտած վաստակ, նա գտնվում էր բուհի գործակալական ուժերի հարաճում ծաղկման շրջանում, լի եռանդով՝ շարունակելու բեղմնավոր գործունեությունը և հարստացնելու հայրենի գիտությունը նորանոր մեծարժեք գործերով: Ու լինե տարածամ մահը եկավ ընդհատելու արգասավոր կյանքը, սակայն եղած վաստակով արդեն նա իր ուրույն ու որոշակի տեղն ունի գրաված հայագետ-արևելագետների պանթեոնում:

Պատմ. գիտ. դոկտոր Հ. Դ. ՓԱՓԱՋՅԱՆ